



CANTON SARAJEVO
Cantonal Civil Protection Administration
Operational Center

Broj: 04-40-1-316/21
Sarajevo, 13.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 12.11.2021. do 08:30 sati 13.11.2021. godine

Štaba civilne zaštite Kantona Sarajevo (u daljnjem tekstu: Štab) je u skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08, 19/11, 45/15 i 33/21), Pravilniku o načinu rada i funkcioniranju štabova i povjerenika civilne zaštite („Službene novine Federacije BiH“, br. 77/06, 5/07 i 32/14) i drugim važećim propisima, kao i Odlukom Vlade Kantona Sarajevo o proglašenju stanja prirodne nesreće od poplava na području Kantona Sarajevo, broj: 02-04-40698-1/21 od 08.11.2021. godine, u izvještajnom periodu preduzeo slijedeće mjere i aktivnosti na otklanjanju i saniranju posljedica od poplava na ugroženom području:

- Štab je u cilju sprječavanja urušavanja pješačkog mosta na rijeci Željeznici između ulica Mala aleja i Hrasnička cesta, angažovao Službu za zaštitu, spašavanje iz ruševina i raščišćavanje terena formiranu u okviru pravnog lica Bosman d.o.o. Sarajevo, čije je ljudstvo sa mehanizacijom u toku dana uklonilo oštećeni stub, izvršeno je preusmjeravanje vode od stupa, prostor oko stuba je zaštićen. U toku sutrašnjeg dana planirano izlivanje temelja novog stuba.



- Služba za smještaj ugroženog i nastradalog stanovništva i snabdijevanje formirana u Crvenom križu Kantona Sarajevo u toku dana od Katarske humanitarne organizacije preuzela 200 paketa hrane, 2,5 tone brašna, 250 paketa s higijenskim potrepštinama i 120 pakete s vodom 6/1. U naredni ponedjeljak će preuzeti još 50 paketa sa hranom, koje će se dijeliti općinama na osnovu njihove iskazane potrebe.
- KJKP Rad je sa ljudstvom i mehanizacijom danas bio angažovano na:
 - prikupljanju i odvozu kabastog i drugog otpada na području općina Novi Grad u naselju Reljevo i Trnovo na području MZ Dečići u naseljima Pendičići i Gračanica (angažovana su bili jedan grejfer, dva kiperi i jedan rolokiper);
 - Pranju saobraćajnica na području Općine Ilidža u MZ Donji Kotorac, MZ Ilidža i u naseljima Vlakovo i Hrasnica, sa sedam cisterne.
 - (mašinski su očišćenje saobraćajnice u ul. 12. Mart, Prve samostalne brigade, Bosanskih gazija, Josipa Slavenskog, Željeznička i Edhema Eke Džubura, Butmirska cesta – sporedne ulice koje su bile poplavljene Izeta Čomora, Gliše Jankovića, Nasihe Kapidžić-Hadžić, Mustafe Ice Voljevice, gazi Hasan paše).
- Pripadnici službe zaštite i spašavanja Općine Novo Sarajevo danas su bili angažovani na otklanjanju i saniranju posljedica od poplava na području MZ Butmir. Sutra će biti angažovani na području MZ Otes.
- Ekipa Službe za epidemiologiju, mikrobiologiju i zaštitu i unapređenje životne sredine koja je formirana u Zavodu za javno zdravstvo Kantona Sarajevo, danas su bile angažovane na dezinfekciji i deratizaciji individualnih stambenih objekata u MZ Otes koji su bili poplavljeni, a koji su bili očišćeni i spremni za dezinfekciju (dezinfikovali su devet stambenih objekata). Izvršen je obilazak područja Dogladi, Ulice Bojnička, Dobroševići i Safeta Zajke, te izvršen nadzor nad poplavljenim terenom. Dezinfekcija je odgođena na navedenom području i dogovoreno je da se mehaničko čišćenje izvrši do početka naredne sedmice.
- Danas su također, ekipe navedene Službe izvršili terenski obilazak lokalnih vodovoda na području općina Centar.
 Uzorkovano je 5 uzoraka vode na mikrobiološke i 5 uzoraka na fizičko-hemijske parametre. Od 5 lokalnih vodovoda, na 4 lokalna vodovoda dezinfekciono sredstvo ili nije detektovano ili je detektovano u tragu. Uzorkovanje izvršeno u skladu sa zahtjevima standarda BAS EN ISO 19458 i BAS EN ISO 5667-5, uz mjerenje parametara na terenu (koncentracija rezidualnog dezinfekcionog sredstva i temperatura vode). Uzorci su transportovani do laboratorija Zavoda na dalju analizu.
 Svi uzorci nakon završene fizičko-hemijske analize su usaglašeni sa Pravilnikom o higijenskoj ispravnosti vode za piće.
- Služba zaštite i spašavanja Kantona Sarajevo formirana u KJKP Vodovod i kanalizacija d.o.o. Sarajevo sa ljudstvom i mehanizacijom je u toku dana bila angažovana na odvozu kabastog otpada na deponiju iz MZ Otes i pročepljenju kanala u ambulanti u naselju Reljevo. Za sutra se na osnovu zahtjeva Općinskog štaba civilne zaštite Trnovo planira angažovanje jedne mašine (VOMA) na pročepljivanju dva propusta na magistralnom putu m-18.



Općina Ilidža

Općinski štab civilne zaštite u saradnji sa kantonalnim štabom civilne zaštite u toku jučerašnjeg dana općinske organizovane snage zaštite i spašavanja u saradnji nastavili su s aktivnostima i mjerama na otkaljanju i saniranju posljedica na područjima koja su bila poplavljena. Rađeno je na saniranju korita rijeka te čišćenju saobraćajnica i individualnih stambenih objekata. Također, nastavljani su radovi na sanaciji pješačkog mosta. Komisije za procjenu šteta Općine Ilidža, vrše obilazak terena te prikupljaju potrebne podatke.

Općina Novo Sarajevo

Služba za civilnu zaštitu, u saradnji sa Službom za zaštitu od požara, formiranom u VD Novo Sarajevo-1934, tokom izvještajnog perioda izvršila je slijedeće radnje:

- sapiranje ulica na području MZ Butmir,
- odčepljivanje šahta u ulici Trebevička radi uspostavljanja normalne odvodnje.

Iz preostalih općinskih operativnih centara civilne zaštite s područja Kantona Sarajevo, koje su bile ugrožene od poplava, dobili smo informaciju da su njihove Općinske službe na terenu, prate situaciju i preduzimaju neophodne mjere na pružanju pomoći stanovništvu na ugroženim područjima.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu nisu imali intervencija.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 3°C, vlažnost zraka 97%, barometarski pritisak 944 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.



PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1